

kerken edder capellen⁶¹⁾ annehmen to vorhinderinge dusser tyde.⁶²⁾

Wann de commendisten angenommen werden.

Wanner jemant vor einen commandisten dusser tyde angenohmen wert, wo vaken dat geschut, he sie olrede prester edder nicht, dem schall vorhen, ehe he angenommen wert, dusse foundation gelesen werden von anbeginne tom ende und he schal loven und toseggen uth guder conscientien williglich und sick vorpflichtigen allen inholt dersulven strack und vaste wol to holdende. Ed schal ok nemant angenommen werden vor einen commendisten, he sy denn rede prester edder love und tosegge, in dem ersten jar na der bevelinge prester to werdende, wo he darto geschicket und bequeme were, in maten, we berort is.

Beslut, wu und durch wene dusse foundation mit den patronen concorderet is etc.

Dusse foundation is dorch unses gnedigen hern von⁶³⁾ Luneborg rehde, szunderlick van sinen gnaden dar to verordent gewest, nomlicken hern Olricke van Bulow proveste to Medingen, Jürgen und Clementen von Bulow, Johan Rehbocke und Henninge van Gilten also vullentogen⁶⁴⁾ und mit den patronen und testamentarien vorenant eindrechtigen besloten worden. Des do ewiger gedechtnisse und dat sodane tyde unvorgencklich bliven schullen, wu berort, dem almechtigen gode, der himmelschen koniginnen Marien mit den vorbenomeden patronen allem himmelschen here to love und ehren und allen Christen zelen.

Bewillinge, fulborth und tolatinge dusser foundation und sodaner tyde to singende etc.

To troste und to behoif der vorbenomeden commendisten und orer nakomelinge hebben wy boven-

⁶¹⁾ edder capellen von anderer Hand nachgefügt. — ⁶²⁾ Roth unterstrichen: se schullen — tyde. — ⁶³⁾ Brunswig und am Rande nur B. — ⁶⁴⁾ Roth unterstrichen: dusse foundation—vullentogen.